

誠意伯先生詩鈔

四

柳田文庫

文庫11

D 221

4

30

25

20

15

10

文庫 11
D 221
4



誠意伯詩鈔卷之四

七言律 日本 紀伊 垣内保定子固氏纂

寄題昇元觀綠筠軒

帶郭軒楹映綠筠，八牕瀟灑總宜人。
風生密葉蛟龍舞，露下寒梢翡翠勻。
不待剪裁調律呂，若為惆悵憶伶倫。
五城雙闕烟塵隔，且傍林巒寄此身。

送李子庚之金陵

舍下微波湧碧鱗，湖邊草色可憐人。
也知使者徵書急，莫厭輕舟出郭頻。
春酒盈缸清似水，時魚帶子白於銀。
山桃野杏能紅紫，醉眼相看意自真。

八恐入之誤



010190556749

欣懷亭為脫因宗道賦

愛子山亭湖水中，襟花脩竹合蒙籠。三春錦繡花迎日，十里笙簫竹度風。菰飯炊來勝雪白，鯉魚釣得出波紅。浮生無事當為樂，應許閑人一醉同。

送趙元舉之奉化州學正

東風吹雪作春波，送客中流發棹歌。酒至莫辭狼籍，醉情深無奈別離。何天童山杳嵐光暝，佛手江長海氣多。泮水紫芹香可攬，倚看待佩樂菁莪。

次韵和退音上人

絕頂浮雲鎖石關，曲途危磴阻躋攀。他年甲楯孤臣

和退隆慶本倒
寫作退和非以
清本改

泣。此日齋鐘老衲閑，夜永星河低半樹。天清猿鶴響空山，干戈未定歸無處。擬結茅廬積翠間。

題王起宗御史江山烟靄圖

繡衣御史乘駉暇，貌得江山烟靄圖。日落風雲連紫極，天寒波浪隔蒼梧。魚龍縱壑深無底，猿鳥歸巢暝不呼。羈旅傷心緣百感，可堪回首憶吾廬。

二月二日登樓作

薄寒踈雨集春愁，愁極難禁獨上樓。何處山中堪採藥，幾時湖上好乘舟。街泥客燕聊相傍，泛水浮萍可自由。見說蘭亭依舊在，于今王謝少風流。

感興

赤城霞氣接天台上界，仙宮此地開滄海。有波容蜃
鱗，石梁無路入莓苔。當時玉帳耽羅綺，今日絲綸到
草萊。傳語疲氓聊忍待，王師早晚日邊來。

發嶧縣至上虞道中作

磴滑泥深去馬遲，雪殘青嶂不多時。荒烟蔓草中郎
宅，素石清溪烈婦祠。日落風生臨水樹，野寒雲濕渡
江旗。宣光事業存書史，北望淒涼有所思。

次韻和謙上人秋興一首

山雲滿地起秋濤，涼葉驚風下九皋。藥籠空聞收馬

勃弦歌豈復用牛刀，草間狐兔營三窟。天上龍影昧
六韜，周漢中興還有日。載歌赤伏詠嵩高。

聞高郵納款漫成口號

聞道高郵已撤圍，却愁淮甸未全歸。聖朝雅重懷柔
策，諸將當知虜掠非。堯帝封疆元蕩蕩，世皇功業甚
巍巍。忠臣義士同休戚，縱欲偷安總禍機。

春興

近聞丹詔出天闈，聖主鳴謙下土知。豈意豺狼猶桀
黠，未隨干羽格庭墀。四郊多壘忠臣耻，百戰無前壯
士規。寄語總戎熊虎將，莫教長媿伐檀詩。

語乾隆本作興

又用韵答嚴上人

中夜登樓望紫微，北辰不動衆星依。由來赤日行黃道，多事玄雲變白衣。雪下蓬萊三嶋隔，濤翻滄海萬魚飛。聖君宵旰惟恭己，早晚陽和斡化機。

次韵和孟伯真感興詩

避難移家適遠鄉，憂時一夜百回腸。徒聞鉄甲連戎壘，未覩鉤車跨賊隍。不共班超爭食肉，欲尋木羽學休粮。磨崖可勒中興頌，努力諸公佐有唐。

妙成觀用何逸林通判韵

我訪仙家溽暑前，青楓綠柳暗晴川。竹根露濕登山

屐沙際鷗迎渡，水舩雲氣長留。虛白室丹光直上，蔚藍天純陽道士重來。日爲問蓬萊是那邊。

得湖仲淵書歡喜成詩奉呈石末公兼簡三益

軍諮

故人忽寄一封書，愁眼還明病亦無。風滿高林歸猛虎，月涼古塚散妖狐。大廷職貢當遄復，戎馬資粮不再輸。更喜元侯契天意，良苗得雨應時蘓。

次韵和石末公秋日感懷見寄

郊原如赭已無秋，况復干戈未肯休。肉食不知田野事，布衣深爲廟廊憂。典章淪落悲芻狗，餽餉倭遲想

木牛禮樂將軍今，卻殺豺狼滿地待虔劉。

重陽日使者持詔用韵柬石末公

中元悲斷義和報，九日歡迎詔使來。紫禁羽林分壘壁，清秋辰極照中台。願從黃石明三畧，莫使詩人賦七哀。蟻垤牛涔休沸蕩，泰山喬嶽甚崔嵬。

夜坐有懷呈石末公

西風白露下，清寥岸柳江。蒲取次凋，諸將旌麾非。一統大藩衣服變，三苗雄豪竊據皆。屠狗功業與臺總，續貂棄馬獨知懷。故櫪天涯涕淚北，辰遥

石末公家人自台州來以詩問之

委羽山前海水飛，赤城霞色亂斜暉。過庭且喜諸郎至，懷土休嗟舊業違。李晟孤軍終獨捷，杜曾百戰竟安歸。丈夫事主心如石，去殺勝殘自有機。

次韵歲菊

風霜搖落愈傷神，黃菊於予意自親。遲莫長存君子操，淒涼不厭主人貧。天虛沈瀆流清氣，月過青冥動細淪。此夜空庭耿相對，春花夏葉總埃塵。

次韵和石末公聞有詔使不至

祈招旦夕動遐心，疾首西歸望好音。鳳下丹霄雲杳杳，魚飛碧海霧沉沉。徒言雨露無私潤，誰謂陽和未

謝靈運詩集 卷四
溥臨何日六師能電掃周原依舊載馳駸

望江亭

柳拂江亭舊畫欄望潮人去地應閑
寢園寂寞秋風裡行殿荒涼野草間
白塔盡銷龍虎氣荒城空鎖鳳凰山
興亡莫問前朝事江水東流去不還

宿蠟燭菴俊上人房

城外春江動客愁江邊細草綠悠悠
還將短髮臨歧路畏向東風憶舊游
斜日遠天歸雁急薄寒孤館落花稠
青燈不放還鄉夢一夜腸回一萬周

二月七日夜泊許村遇雨

漫喜晴天出北門還愁急雨送黃昏
山風度水喧林麓野樹翻雲動石根
宿麥已隨江草爛新泉休共井泥渾
魚龍浩漫滄溟闊澤畔誰招楚客魂

二月二十三日自黃岡還枕途中作

日照江邊春樹林繁花亂葉感人心
花間蛺蝶漫多事葉底杜鵑非好音
舉目山川成皓首側身天地一沾襟
解憂惟有尊中酒疾病年來已厭斟

晚泊海寧州舟中作

春霧今宵氣稍清空江一舸客心驚
東流濁浪衝山動西望長庚似月明
不有龔黃爲郡縣徒令耒耜化

戈兵溥天何處非王土無地安身愧此生

春興

忽聽屋角聞晨鳩起看園林綠漸稠
小雨霏霏灑日過新泉細細入河流
殘花斷柳虛歸計遠水他山聚客愁
鴻雁南飛限蒼嶺傷心何處問松楸

於越山城控海壖春風回首忽經年
憂時望月青宵迥懷土登樓白髮鮮
江上波濤來渺渺雲中鴻鵠去翩翩
暮雲細雨餘花落夢遶天涯到日邊

會稽南鎮夏王封蔽日騰空紫翠重
陰洞烟霞輝草木古祠風雨出蛟龍
玄夷此日歸何處玉簡他年豈

再逢安得普天休戰伐不令竹箭困輸供

臥龍山奠越王都群水南來入鏡湖
苦恠桑田非舊跡還驚雉堞是新圖
白波翠靄浮天際綠樹青莎到海隅
便欲投身歸釣艇不知何處有尊鱸

深春積雨感年芳暮館輕寒透客裳
翠柳條柔先改色紫蘭花冷不飄香
山中虎豹人烟少海上樓臺蜃氣長
燕子新來畏沾濕一雙相對立空梁

送岳季堅入計籌山

陽羨先生故將孫拂衣高踏入玄門
甕盈五粒松花酒食有千年枸杞根
自得詩篇留客誦頻來猿鳥識

人言浮雲富貴非吾願此意陶公可與論

爲賈性之題山水圖

不見唐朝王右丞世間畫史少知名何人貌得烟雨
意靜聽如聞風水聲遠岫帶雲纔隱約斜陽照樹却
分明清泉素石堪乘興欲買扁舟過此生

題脩竹圖

九疑山下湘江畔多少篔簹覆碧湍自有清陰堪解
慍也能結實待栖鸞濛濛暖翠晨烟合顆顆明珠夕
露溥長日焚香對圖畫青冥風雨共凄寒

蕭山山行

積雨今朝天氣佳山亭曉色上林花未須汗漫思身
世且可逍遙翫物華偶值斷橋妨去路却隨脩竹到
隣家籬邊野鴨驚人過撥刺飛鳴落遠沙

靈峰寺栖雲樓

靈峰之中樓倚山山雲日夕栖其間九霄雨露隨高
下六月風雷送往還青嶂曉光浮藻梲銀河夜氣濕
松關天台向上無多路驚嶺烟霞此可攀

崇福寺儔上人看山樓

爲愛山中世事疎看山終日坐茅廬林花澗草香無
際翠壁丹崖錦不如禹穴風雷翻石鷁耶溪波浪動

金魚此時應寤幽栖樂底用凌雲獻子虛

宗上人溪山亭

湖上清溪溪上山山亭結構俯人寰
窓中樹色宜晴雨門外灘聲自往還
鍊藥井寒玄鶴逝采蓮舟去碧波閑
春蘭秋桂年年好憔悴風塵漫厚顏

題山水圖為寶林衍上人作

雨過秋山日欲曛白雲如雪擁山根
高松浥露和烟冷迸水穿沙出谷渾
擬向蘿陰緣石徑却尋花片入桃源
畫圖應有通神處他日相從子細論

次韵和新羅嚴上人秋日見寄

愛汝精藍抱翠微青松綠竹共依依
龜臺落日明霞綺鰻井寒潮長石衣
銀杏子成邊雁到木犀花發野鷺飛
鐘殘永夜禪心定一任秋蟲促杼機

重用韵答嚴上人

坐見風霜百草疎却憐光景漸消除
萍蓬飄蕩三年客松菊荒涼五畝居
陋巷蒼苔封蟻垤空庭黃葉帶蟲書
江楓恰似知人意強學芳菲二月初
江水東流西日微閑身不繫獨何依
塵埃爽颯枯蓬鬢霜露淒涼破衲衣
百粵雨餘山翠合三韓雲淨海青飛
滄溟自古通天漢夢繞黃姑織女機

再用韵荅嚴衍二上人

厚祿故人音問疎，天官不擬介推除。莫思浮世塵埃事，好共深山木石居。月滿高樓留客話，燈明寒榻課兒書。城頭鼓角沉沉夜，腸斷鄉關入夢初。蔓草萋迷野色微，嗷嗷鳴雁欲誰依。殘花露淡胭脂靨，落木霜凋薜荔衣。萬國舊聞車軌一，九州今見劫塵飛。總戎安得英雄將，不放龍蛇起殺機。

仍用韵酬衍上人

歲莫天寒生意微，空林鳥雀自相依。有情霜葉欺花貌，無用風荷象客衣。西塞鼓鞞山岳震，東郊羽檄海波飛。傳聞有詔頒南服，早晚陽和斡化機。

題寒林圖

搖落江邊秋樹林，淒涼久客二毛侵。藤蘿歲晚龍蛇死，鼓薄天寒虎豹深。流水斜陽人遠近，青烟白草雁飛沉。桂花自在山中發，悵望西風起夕陰。

題訪隱圖

忽憶山中陶隱居，杖藜衝曉謁茅廬。林花泥露紅無比，澗草含烟綠有餘。金鼎丹光纏日月，銀河流水到塔除。松間白鶴通人語，長向瑤臺寄遠書。

次韵和孟伯真感興

五載江淮百戰場，乾坤舉目總堪傷。已聞盜賊多於
蟻，無奈官軍暴似狼。綠水青山人寂寂，長烟蔓草日
荒荒。弟兄零落音書絕，腸斷春風一雁行。

平時盜賊起成雲，厚祿能忘愧庶民。樽俎自高廊廟
策，經綸不用草茅人。思家遠道風塵惡，爭食空山虎
豹嗔。莫怪洛陽年少客，持書痛哭向楓宸。

多事繁花白映紅，無愁細草綠浮空。春秋迭代人先
老，天地生成意不窮。鳳鳥長辭西嶺樹，鯨魚自起北
溟風。幾時學得玄真子，箬笠蓑衣一短篷。

次韵張德平見寄

漠漠長烟野色昏，霏霏細雨濕衡門。乾坤象緯尋常
轉，江海波濤日夜翻。賈誼奏書哀自哭，屈原心事苦
誰論。近逢使者徵遺逸，說道巖廊納謹言。

題承天觀

吳山頂上承天觀，玉牒金符鎮地靈。百尺樓臺依斗
極，九霄風露出牕櫺。江聲洶湧蛟龍闕，雲氣虛無翡翠
屏。見說蓬萊恰相對，仙凡只在隔滄溟。

題紫虛道士晚翠樓

晚翠樓子好溪南，溪山四圍開蔚藍。微陰草色盡平
地，落日木杪生浮嵐。巖畔竹柏密，先暝池中芰荷香。

欲酣聞說仙人徐泰定騎鸞到此每停驂

葉叔安南溪草堂即事

溪上草堂盈十尋疎楊密竹各成陰綠烟繞舍桑畦
靜白水當門稻遂深過雨忽翻金碧影涼蛸亂發管
絃音此時不省愁何在坐到鴉棲月滿林

妙成觀北亭用何逸林韻

最愛雲山滿目前更憐亭榭俯清川草深林藹迷樵
徑花落巖霏點客舫碧澗金芝新出地丹崖石穴舊
通天神仙應在樓頭上翠羽霓旌下日邊

次韵和石末公中秋不見月詩

一年明月中秋好萬里長空此夜陰雨暈青燈昏遠
思蟲鳴黃葉亂鄉心見愁盜賊氛猶惡莫恠乾坤氣
尚滯便欲捫蘿上天柱九霄風露恐難禁

妙成觀道士劉雲心挽詩

少微星下葬神仙白玉樓中迓翠輶弟子焚香玄鶴
逝天官肅駕紫鸞翩金丹縹緲空山月鐵笛淒涼遠
樹煙溪上故人如見問碧桃花裡過年年

驛傳枕台消息石末公有詩見寄次韵奉和并

寓悲感二首

被讒去國終思楚厚貌深情漫劇秦未識龐萌真老

賊妄期侯景作忠臣池魚幕燕依棲淺軒鶴冠猴寵
渥新何處荃蘭不蕭艾種蔬猶得養閑身

喪亂如川未有涯悲風滿地是蟲沙衰遲兩臂從生
柳疾病雙眸但隕花暗蜚寒蟬秋色老丹楓紫菊夕
陽斜頗聞四國思郇伯尚想詩人賦木瓜

再次韵

深秋蔓草接天涯極目飛鴻沒遠沙綠水青山長送
目汀蘭岸蓼各生花風來西塞雲陰合濤落東溟蜃
氣斜歎息笙歌舊亭館壞垣叢棘老王瓜

次韵和石末公無題之作

秋風嫋嫋作商音落葉枯萋日夜深已為抵鳥投白
壁徒勞點鐵冀黃金軒轅未必迷襄野夸父終當死
鄧林咲撚東籬菊花蓋天寒歲晚爾知心

次韵和石末公開讀有感

百年萬國奉王正相業臺綱屬老成山海若時共職
貢郊原何處有戈兵廟謨可使歸權倖祖訓由來重
變更欲叫天關無羽翼拊心長嘆不勝情

丙申歲十月還鄉作

溪上寒山淡落暉溪邊風送客帆歸故家文物今何
在平世人民半已非華髮老翁啼進酒蓬頭稚子咲

牽衣自嗟薄質行衰朽未覩明廷賦采薇

故園梅蕊依時發異縣歸人見却悲花自別來難獨

立人今老去復何之未能荷鋪除釐棘且可隨方着

短籬等待薰風暄暖後枝間看取實離離

五載辭家未卜歸歸來如客髮成絲親知過眼還成

夢事勢傷心不可思且喜松楸仍舊日莫嗟閭井異

前時修文偃武君王意鑄甲銷戈會有期

冬至日泊舟戈溪

日薄雲陰雪在山野寒溪靜客舟還乾坤簸蕩逾三

載風俗垂張似百蠻廢井哀蕪霜後白空村喬木曉

餘殷獨憐節序逢冬至不得安棲學閉關

次韻和石末公紅樹詩

紅樹漫山駐歲華玄冬驚見眼生花井陘旗幟軍容

盛汴水帆檣御氣賒春草淒迷金谷障夕陽照灼赤

城霞靡萍丹木扶桑裡惆悵誰乘博望槎

次韻和石末公元夜之作

八表流雲澄夜色九霄華月動春城條風細細吹旗

影香藹微微引漏聲河漢虹橋應斷絕滄溟鼉足漫

崢嶸愁來更聽漁陽操獨倚闌干坐到明

石末公再賦元夕見寄用韵酬之

東方月出魚龍窟，北極雲開虎豹關。渤澥青丘金作水，崑崙赤岸玉爲山。風光豈減常時好，燈火嗟逢此夜慳。聽盡殘鐘成不寐，那無飛羽入玄間。

題烟波泛舟圖

舊遊憶鼓湘湖櫂，日淨風微江練平。小艇曲穿花底出，遊魚相伴鏡中行。別來漫想心徒切，畫裡重看眼亦明。素石蒼松是何處，願從巢父濯冠纓。

爲王彥和賦槐堂

晉公庭上三槐樹，千載流傳是德符。今日耳孫思繼述，昔年手澤欲荒蕪。當窗欲看屯雲葉，夾徑先栽帶

雨株。會見枝頭金粟蓋，秋風吹送上天衢。

社日偶成奉呈石末公

昔聞同社燕鷄豚，今見操戈競一殮。松柏空壇飢鼠出，枌榆落日亂鴉喧。地連吳會嗟何蹙，民是周餘不半存。踈嬾渾愁聞世事，治龔有酒漫盈尊。

次韻和休彥文劉山驛作詩

青泥九折度危峯，翠木千章集遠風。欲爲流離安堡障，寧辭辛苦涉蒿蓬。梧桐葉落無棲鳳，荆棘枝寒有怨鴻。旦夕升虛聊望楚，何時重賦定方中。

卽事有感呈石末公

葵藿傾心嚮大明參商瑣瑣只尋兵蛾眉欲擅三千
寵魚翼難通九萬程貝錦笙簧鳴鳥瑞明珠琢玉泰
山輕兩階干羽聞來格分北猶勞聖主情

聞盜過界首季君山甫亦蒙訪及以詩唁之
妖星何故犯奎躔鶴上雲霄鯉入淵寇退喜聞曾子
反書焚尚賴伏生傳螿酸併與青蠶去瓜苦空餘綠
蔓牽慚愧杜郊湯博士白鹽赤米數相憐

次韵和石末公十六夜月

纔圓又缺中天月猶自寒光媚老蟾承露仙人珠落
掌別風樓觀雪生蒼玉階桂影駸駸薄金井苔花漸

漸添坐久城頭聞夜柝牢愁清興苦相兼

次韵和劉宗保秋懷

蛩螢啼露作悲愁鵬鴉搏風樂素秋莫訝繫匏長不
食亦知神劍解相求翰林白髮三千丈吏部回腸一
萬周借問何如青白眼酣歌竟日爲身謀

詔書到日喜雨呈石末公

將軍鐵馬高秋出使者樓船渤海來甘雨恰隨天詔
下凍雲應與地圖開枯黃背日紛紛落細綠迎春苒
苒回悵望山中多病客坐看烏鵲遠庭梅

感事呈石末公

前飛鷓鴣後駕鵝天闊風高柰汝何不羨焦頭居上
客空憐舐痔得車多深山虎豹來城市落日鼉鼉出
薜蘿薇蕨可羹魚可膾白雲長自在巖阿

贈西巖道元和尚

西巖寺裡雲巢子不到人間幾十年杖錫野猿迎路
側談經山鬼拜燈前塵飛劫火青春夢雪滿長松白
日眠近得淵明入蓮社興來時復有詩篇

次韻和石末公漫興見寄二首

王侯古有興屠狗郎吏今無善牧羊青海風波騰罔
象紫霄氛侵翳搖光江寒逝水東流急天遠冥鴻北

去長莫咲烏鴛惡毛羽翻飛齊得蓮鵝行

濟世何人希管樂隱居無處覓求羊扶桑未換暘烏
彩腐草猶爭燭火光百載承平戎馬佚七年戰伐艾
菅長長沙遷客能流涕一日須垂一萬行

次李子庚韻

風落餘花春事非愁心烟雨共霏霏溪雲不作從龍
起山石何須學燕飛籬下舊存彭澤菊林間新長首
陽薇夜闌忽漫聞啼鳥腸斷天涯信使稀

早春遣懷

正月餘寒未放春漫空飛雪舞隨人新年對客情何

限濁酒於予意獨親澗底流泉渾似玉門前細草總
成茵鶴歸自愛山能靜豹隱方知霧有神

雨中遣悶

雨漬愁雲重不飛山蒸冷霧襲人衣亦知屏翳空多
事只恐羲和失所歸歲晏波濤東逝急天寒鴻雁北
來稀殘燈永夜清無焰坐聽飢狼響翠微

漫成

老去知心更有誰愁將短髮對花枝花殘更羨新春
葉髮白空垂滿面絲縱酒放歌憐往日倚闌聽雁立
多時若爲化得搏風翮汗漫東西信所之

感興

百年強半已無能愁入膏肓病自增千里江山雙白
鬢五更風雨一青燈繁絃急管誰家宅廢圃荒窟昔
代陵不寐坐聽雞唱盡素光穿牖日華升

夜坐

殘缸背壁翳還明坐擁衾裯閱五更雲捲星河垂永
夜霜飛鼓角靜嚴城飄搖莫計餘生事老病都非舊
日情想像故園憑夢到愁來轉使夢難成

蔣山寺十月桃花

王母桃花此地栽風霜搖落爲誰開琳宮玉座同黃

詞意什詩錄
卷四
土絳葢丹跗自綠苔度朔烟霞違夢想武陵雲水怨
歸來殘蜂到蝶相逢淺黃菊芙蓉莫浪猜

寒夜

月上前山夜寂寥江城鼓角殷寒宵魚龍水落滄溟
靜鴻雁聲來紫塞遙風物自應隨律轉霜髯爭得見
春消青釭冷暗愁眠怯樓外頻移北斗杓

漫成

愁將短髮逢搖落漫把殘燈照寂寥兩地身心悲夜
鶻五更鐘鼓夢春潮驚寒栢葉垂垂靜向日霜華泫
泫消悵望烟塵滿長路紫芝空長故山苗

題秋江獨釣圖

秋風江上垂綸客知是嚴陵是太公細水浮嵐天與
碧斜陽炙面臉生紅形容想像丹青在歲月荒涼草
澤空日暮忽然聞欸乃蓼花楓葉忘西東

題墨竹

蒼梧山下無窮竹盡是湘妃淚種成烟雨不銷千古
恨珮環虛度九秋聲見愁牧豎乘時伐可待伶倫學
鳳鳴獨立淒涼對圖畫爲君惆悵一沾纓

雪中有懷章三益葉景淵

歲莫懷人雪滿天飢鳥病客對淒然地爐無火同誰

坐石硯生冰，盡日眠栗里。何時歸，白髮茅簷幾處起。
青烟稻畦麥隴春，及土膏泉滋，識有年。

白髮

白髮應同春草莖，風吹一夜滿頭生。欲收浮豔歸根
柢，故遣芳菲定老成。碧瓦曉霜憐變滅，紙窗宵月妬
分明。據鞍上馬非吾事，賴爾粧嚴意不輕。

愁感代哭

燕鴻北去又南來，斷壘荒岡幾劫灰。慈母磯寒風落
木，望夫石老雨添苔。江流定與天河合，客淚遠經地
底回。未必春光便銷歇，白華猶發燒殘梅。

遠列朝詩明詩
綜作還

冬至

冬至微陽斡化機，閉關獨坐正相宜。白楊風掃經霜
葉，翠柏冰凝泣露枝。日轉天南林影覺，春生地底水
泉知。物華過眼成今古，愁絕看雲有所思。

黃州團湖董氏鏡心樓

團湖四面開明鏡，中有高樓接泰清。絳氣往來蟾影
入，碧光浮動日華生。雲間威鳳孤飛下，空裡遊魚作
隊行。安得翠輶呼弄玉，金銀臺上臥吹笙。

春城

春盡江城不見花，似知白髮畏韶華。戰爭故習俱無

賴衰亂餘生未有涯三嶋虹蜺昏日月二儀風雨化
龍蛇何年百谷歸滄海尋取河源泛客槎

舟中

雨翳青燈靜客舟輕寒只戀敝貂裘漫山薄霧穿窓
濕漱石鳴泉拍枕流身在壺中天萬里夢驚華表鶴
千秋愁來滴淚都成血直到滄溟水盡頭

至婺州聞官軍自温處之江東所過皆空遂從
間道還鄉

聞道人家總避軍我亦獨穿豺虎群莫思身外路多
棘且喜雨晴山出雲林端石磴鶻自占澗底風松猿

共聞他年想像或夢到兩鬢白雪應紛紛

感興

昭代仁聲浹九夷野無矛戟有鉉基誰言潢海操兵
鷁却產宮庭制禮時廣路駢駢周四牡陰風肅肅漢
靈旗弔民伐罪元戎事旰食宵衣上聖思

清時不樂道干戈鼯鼠其如虎豹何淮海風雲連鼓
角湖山花木怨笙歌紫微畫省青烟入細柳空營白
骨多惆悵無人奏丹宸側身長望涕滂沱

衣冠共喜際雍熙豈意豺狼負盛時禮樂百年忘戰
久風雲八陣得才遲神謀不是閭閻識廟筭誰聞黼

宸思慚愧，鮪生懶，無用江湖愁望，髮成絲。

落日悲風雲滿川，家家閉戶，少炊烟也。知渤海無龔

遂漫憶邯鄲，有魯連三尺青萍思，出匣數莖白髮望。

歸田請看如鏡南樓，月此夜清光最可憐。

天弧不解射封狼，戰骨縱橫滿路傍。古戍有狐鳴，夜

月高岡無鳳集，朝陽瑀戈畫戟空。文物廢井頽垣自，

雪霜漫說漢庭思。李牧未聞，郎署遣馮唐。

天上九關森虎豹，人間七澤起龍蛇。塵埃不辨風雲

色，雨露全歸枳棘花。秦國有人迷鹿馬，周郊無土載

蟲沙。淮濱何日歌常武，腸斷嚴城戍鼓搗。

越山亭晚望

越絕孤城枕海湄，越王亭下景遲遲。雲埋夏后藏書

穴，草沒秦皇頌德碑。鑿齒未馴，虞禮樂戈船猶駐漢

旌旗，春風淡蕩吹楊柳。咲看吳鉤有所思。

謁夏王廟有感

一片宮垣粉，艤新前王陵廟在。松筠玉書金簡歸天

地，貝葉曇花詫鬼神。滄海波濤紆職貢，山川草木望

時巡。苗頑未狎，虞階舞空使忠良淚滿巾。

寒夜忽然有懷，周紫巖先生遂成口號奉寄，且

以酬黃柑之惠。

艤當作艤等本
皆訛

柱下先生住紫巖倚天愁嶺氣巉巉客來每託青猿
報書寄還憑白鳳銜日上寒光生水石月明晴翠落
松杉旅人珍重黃柑贈愧之瓊瑤谷素緘

冬暖

今年南國天氣暖十月赤城桃有花江楓未肯換故
色汀草強欲抽新芽野畦落日舞殘蝶小池過雨喧
鳴蛙城上幾時罷擊折愁見海雲蒸晚霞

漫成

春雨日日送愁來雨中百花渾未開青山不見神禹
穴碧草已滿越王臺魚兒弄水浮還沒燕子尋巢去

氣恐有誤

却回頭白楊雄嬾獻賦衡門從此掩蒿萊

夏日禱興

愛此南園僻有餘依稀景物似郊居風軒自舞蒼筤
竹蓮沼雙遊赤鯉魚釀酒剩收元亮秫換鵝時寫右
軍書人生縱意惟踈嬾莫遣門多長者車
故里無書問遠遊他鄉萍梗漫淹留盲風恠雨蛟龍
喜荒楚寒蕪燕雀愁天上古今星北拱人間日夜水
東流誰能走報西王母乞與還丹駐黑頭

層樓迢遞俯清郊天際群山檻外交日暖水禽鳴哺
子風輕沙燕語尋巢綠荷雨洗藏龜葉翠竹烟寒集

鳳梢可嘆仲宣歸未得苦吟終日倚衡茅
菱葉荷花漸滿池紅榴綠篠正相宜天邊日出園葵
覺地底雲生柱礎知長夏未應炎暑過薄寒恰似晚
秋時朝來苦恠雙青鬢輒向風前學素絲

夏日訪王友文留飲贈詩

長夏園林白晝閑高軒留客雨漫山傾壺竹葉沉沉
綠落樹楊梅顆顆殷檻外新荷搖水佩簷前弱柳舞
風鬢醉來帶月浮舟去忘却塵埃世路艱

題江村風雨圖

日落千山風雨來野昏林黑鳥飛迴風吹烟霧連天

起雨送雷霆入地回龍母鮫綃雲半濕巫娥貝闕夜
深開暮寒燕子歸華屋愁絕餘花委碧苔

次韻和天童良上人見寄

不辭塵匣掩青萍願見天邊隕盜星白日有時容黑
子紫微終古照玄冥輕風淪雪歸蘭汜細雨涵春入
草亭但得此身強健在江山相見眼長青

靈峰寺松風閣

靈峰寺閣倚松風風細松高閣更空何處流泉生石
上有人鳴玉下雲中花飄霧露春香滿影動龍蛇曉
日融安得身如列禦冠翩翩高舉出冥鴻

次韻高則誠雨中三首

短棹孤蓬訪昔遊，冷風淒雨不勝愁。江湖滿地蛟螭浪，杭稻連天鼠雀秋。莫恠賈生偏善哭，從來杞國最

多憂。絕憐窗外如珪月，只為離人照白頭。霖雨蕭蕭泥客途，歲華冉冉隙中徂。不知燕趙車千乘，何似嵩邱飯一盂。露冷芙蓉捐玉佩，天寒薏苡結明珠。東鄰艇子如堪借，去釣松江巨口魚。

吳苑西風禾黍黃，越鄉倦客葛衣涼。楸梧夜冷鳥驚樹，霜露秋清蜂閉房。天上出車無召虎，人間賣卜有王郎。干戈滿目難回首，夢到空山月滿堂。

次韻和謙上人秋興

一自中原萬馬奔，江淮今有幾州存。龍韜豹略癡兒戲，穰李天桃猛士門。廢壘秋風銷戰骨，荒郊夜雨泣冤魂。江湖愁絕無家客，佇立看天淚眼昏。

霜飛大野氣淒清，日落荒村少客行。投筆班超空食肉，飛樓王粲獨傷情。海壖雨翳旌旗影，淮甸雲埋鼓角聲。中夜起瞻天北極，鬢毛蕭颯憶神京。

浙江流水繞東吳，佳麗猶傳故國都。紅錦漫山春雨後，黃雲壓樹曉霜餘。嬌鶯逐暖歸牙帳，征雁衝寒送羽書。惆悵南園釣舟子，蒺藜滿地不勝鋤。

列朝詩選萬作
百鵠作鵠懸恐
縣之誤然諸本
皆同

言意仙言金
繡幕香幃隱日華，金鞍玉轡巧矜誇。深山霧雨羆生
虎，大海波濤虺作蛇。樸檄有枝寒集鵲，梧桐無葉夜
啼鴉。涼風嫋嫋吹游子，何處松楸是汝家。
故鄉知己不曾逢，滿目雲山恨萬重。斥堠霜清寒夜
拆，譙樓風急曉城鐘。此時遠樹憐烏鵲，異縣携家想
駉蛩。獨向晴簷問梅蕊，數枝和雪為誰容。
江上悲風起白波，山中芳草奈愁何。紫菱青荇鮫人
舞，翠藟蒼藤木客歌。曠野烟塵迷虎兕，長亭泥濘沒
驪騮。濁河日夜東流去，腸斷霓旌影駉娑。

法華山弘上人

可愛寒潭似鏡清，清光寒氣襲軒楹。草根流水泠泠
出，石上潛魚箇箇橫。翠藟驚風和露滴，白沙得雨照
人明。故鄉近報猶豺虎，愁對滄浪詠濯纓。

自天衣還城贈伯言

城上餘寒曉氣凝，湖邊春樹綠層層。一山獨表秦王
望，眾水皆朝夏后陵。白眼嗣宗終嗜酒，青鞋子美謾
尋僧。仙都石室烟霞裡，早晚相携策瘦藤。

為黃元微題畫松

黃子宅邊松十尋，兩株相倚自成林。半空鸞鳳翻清
影，長日笙簧奏好音。豈但茯苓能却老，更有琥珀可

安心風塵瀕洞還相憶寫掛高軒恨最深

秋感

日白天青木葉凋雲山漫漫故鄉遙石床墜露珠光
動碧砌幽花玉色銷十載故人俱土壤五更歸夢負
漁樵懷來憶往成惆悵蔓草羈蟲對寂寥

侍宴鍾山應制時蘭州方奏捷

清和天氣雨晴時翠麥黃花夾路歧萬里玉關馳露
布九霄金闕絢雲旗龍文騾裏驂鸞輅馬乳蒲萄入
羽卮衰老自慚無補報叨陪儀鳳侍瑤池

卽事

春半餘寒似暮秋掩門高坐日悠悠樹頭獨立知風
鵲屋角雙鳴喚雨鳩芳意自隨流水逝華年不為老
人留浮花冶葉休相咲自古英賢總一漚

遣興

江上潮來風捲沙城頭畢逋烏尾訛燕泥半濕昨夜
雨蛛網忽粘何處花孤坐日月自閑暇出門岐路空
交加漫將白髮對芳草目送去鴻天一涯

曲乙卯歲首早朝奉天殿東翰林大本堂諸友

枝上鳴嚶報早春御溝波澹碧龍鱗旂常影動千官
肅環珮聲來萬國賓若乳露從霄漢落非烟雲抱翠

月恐有誤

華新從臣才俊俱揚馬白首無能媿老身

次韻和劉彥箕憶山中篇

句曲峯高倚太陽不風巖谷自清涼四時嵐彩霏瓊
雪百道泉流湛玉霜雅稱采芝追綺季尤宜散髮學
嵇康龍鱗璫錯松當徑鳳尾離襪竹過墻月上海門
蟾早覺露寒天宇鶴先嘗仙人卓劍降魑魅道士書
符禁猶狂寶氣丹光生夜寂黃精白朮引年長茅君
虎臥瑤壇上蕭史鸞棲碧殿旁挂樹寒山違謝客桃
花流水憶劉郎猿猱任占青蘿帳薜荔從生綠石床
世難有身空自累詩成無雁倩誰將欲憑錦瑟傳幽

句音切

思才理朱絃意已忘

五言絕

題小畫

庭前綠荷葉香氣濃於酒踈雨忽飛來的皦明珠走

遣興

於越三年客思家一百旬如何今夜月却憶鏡湖春

歲晏

歲晏悲風急空江白晝陰黃蘆與紅蓼無處不傷心

漫成

春曉正堪睡嫌他窗上明無端雙楚雀又向屋頭鳴

明月圓復缺，春風去不來。淚隨花雨落，點點在蒼苔。
昨夜三更裡，還鄉夢却成。朦朧半驚覺，連喚小兒名。
日暮庭陰合，斜陽復照簷。不禁風絮亂，寂寞掩重簾。
病身勞應接，長日掩雙扉。燕子來何晚，春歸寒未歸。
望帝千年魄，聲聲是淚流。空庭無竹樹，省得一春愁。

題墨竹

風梢舞空烟，露葉滴晴月。折取寄情人，感此歲寒節。

六言絕

題山水小畫二首

鄂渚輕舟未，蒹蕩瀟湘。倦客多愁，可恨一江春水無情。

日夜東流

碧草桃源路，斷紫芝高嶺。雲深高樹月明，啼鴉一聲一度傷心。

題畫竹

葉間重露猶滴，林表寒烟未開。想見沅湘江上月明，環佩歸來。

七言絕

漫成

階下青苔砌上，莎春深烟雨自相和。幽蘭生在空山裡，縱有清香奈爾何。

春雨

翠麥黃花爛熳春蒼顏皓首別離人相看一咲渾成
夢又見汀洲老白蘋

秋興

嫋嫋西風起白蘋妖紅媚綠看成塵九衢車馬如流
水盡是邯鄲夢裡人

題梧桐折枝翎毛圖

瓊柯碧葉兩參差又是西風白露時鳳鳥不來嘉實
晚小禽啣上最高枝

題畫猫

碧眼烏圓食有魚仰看胡蝶坐階除春風漾漾吹花
影一任東郊鼠化鴛

過閩關

天上絲綸啓玉封歡聲雷動八州同閩江渺渺通炎
海漆作恩波到日東

題蟹

敲鬪犀函手鬪兵沙堤潮落可橫行稻根香軟蘆根
美未覺江山酒興生

題陳太初畫扇

炎天玉燦水銀流琴上薰風可解憂不負吾皇麟趾

詠史
意只今誰是富民侯

詠史

姦雄盜竊幸傾危，只道冥冥便可欺。
想得民心思漢日，正當楊子劇秦時。

遣興

一炷清香一卷書，此身安處是吾廬。
綠槐翠栢宜長日，門外何須長者車。

題明皇幸蜀圖

裂帛聲中發禍機，白華歌斷草菲菲。
可憐蜀道三軍恨，不記他年武惠妃。

題柯敬仲墨竹

蒼龍倒掛不入地，回首却攀雲上天。
夜深雲散明月出，化作脩篁舞翠烟。

移梅亭

貫石稍雲一樹梅，誰教移向畫堂栽。
月涼夜色清如水，其那樓頭玉笛哀。

題趙仲穆畫眉圖

含黃茹管細相和，語困春風意更多。
驚起佳人應有恨，雙蛾蹙損不成歌。

題渭橋圖

乾隆本橋作松

乾隆本天作天

百戰平城憤未銷，武皇赫怒屬天驕。可憐陵樹秋風後，貂帽駝裘拜渭橋。

皆春亭

草色青青日色黃，暖烟洪露百花香。曉窗夢入桃園去，驚覺啼鶯在綠楊。

題湖山烟雨圖

湖上青山烟雨寒，湖中一棹欲歸難。白蘋自老東風裡，腸斷黃昏獨倚闌。

若耶溪上雨聲來，秦望山前霧不開。欲渡鏡湖尋禹穴，蒼藤翠木斷猿哀。

次韻和王文明絕句漫興

芙蓉湖上夕陽低，楊柳枝頭一鳥棲。獨倚闌干看山色，白雲飛過若耶溪。
年華如水去堂堂，何處無愁不斷腸。天上群仙風雨外，人間明月夜淒涼。
風翻竹籜空林響，雨縫蛛絲落葢懸。長日掩關無客到，一眉山水對嬋娟。

江北江南幾驛亭，可憐強半草青青。夜涼月白西湖水，坐看三台上將星。

東海鯨鯢倒百川，西江波浪阻征船。誰能散髮空山

隆慶本松作舡
非今從清本正
之

詩集卷之四
裡學取希夷石上眠

夢裡分明到廣寒夢回月落斗闌干碧桃吹盡無人
覺滿袖西風涕泗溥

釣得槎頭縮頸魚隔牆有酒貫錢酤近來酒價如珠
玉獨飲千錢不要扶

樓頭新月鬪弓彎樓外青山對客閒深夜忽然思往
事夢隨孤鶴遠雲間

草廬不_在狂_達官車長日惟消滿架書睡足北窗清似
水數聲殘角起城烏

故鄉蛇豕滿柴荆異域風塵嘆此生至竟迂狂成渡

落可憐天地一浮萍

送鮑生之閩中

青青芳草夾長隄漠漠輕烟送馬蹄他日相思建溪
上棠梨花發鷓鴣啼

題米氏小景二首

陌上春風紫翠重烟含汀樹淡還濃夜來水漲溪橋
斷應是雷霆起壑龍

春霧昏昏雨散絲溪流拍岸小橋危猿啼鳥叫山鬼
出正是行人腸斷時

題滄江獨釣圖

隆慶本松亦作
舡非

山繞滄江一釣舡又隨斜日下長川
小魚不食大魚去風定遠林生白烟

次韻和石末公見寄

春滿郊原樂意融
野花庭草競纖穠
惟餘陵上青青栢
栢不向東風改舊容
越溪清水淬干將
鬼魅驚啼畏夜光
不共銘刀爭利鈍
何妨玉匣且深藏

過蘇州

姑蘓臺下垂楊柳
曾為張王護禁城
今日淡烟芳草裡
暮蟬猶作管絃聲

姑蘓臺下垂楊柳
落葉蕭蕭日暮風
天地山河有真主
迎來送往總成空

憶昔吳宮無事時
滿城楊柳舞西施
如今柳盡西施死
恨殺當年陌上兒

陌上清歌最可聽
誰知此是斷腸聲
就中更有楊枝曲
恨殺昏鴉及曉鶯

虎丘山下月朦朧
閶闔門前動地風
子夜一聲琴一闕
杜鵑聲在碧雲中

成敗由天衆所知
烏江拔劍更何疑
誰言碧海刺蛟手
也學臨春井底兒

漢世祖

白水龍飛紹赤精，鴟梟盡入太官羹。
三驅只貸樊崇死，侯印應慙不義名。

五月十九日大雨

風驅急雨灑高城，雲壓輕雷殷地聲。
雨過不知龍去處，一池草色萬蛙鳴。

次韻和石末公

徒聞彈鋏怨無魚，未見兼程貢蠟書。
四海城池總完壁，只今誰是藺相如。

白塔寺

物換星移事已迷，從來此地惑東西。
可憐如鏡中天月，獨照城烏夜夜啼。

送醫士賈思誠還浙東

西風嫋嫋水鱗鱗，一曲離歌淚滿巾。
殘柳數株鷗數點，夕陽江上送歸人。

絕句漫興

伐木丁丁谷響傳，榷楠樸檝共成烟。
扶桑不是人間樹，因見滄溟變稻田。
永夜西風嫋嫋來，露華如玉委蒼苔。
碧鷄啼落山頭月，腸斷槐根夢不回。

言意不詳錄

憶昔二首

憶昔上林花發時黃蜂掠亂蝶參差如今花落枯枝
在付與秋蟲掛網絲

憶昔揚州看月華滿城絃管滿人家可憐今夜中秋
月獨照寒蛩泣細沙

送別

送別江頭日欲沉落潮風急鳥歸林秋雲恰似人情
薄秋水還同客恨深

漫成

沉水香銷金博山月滿樓臺深夜寒瑤琴弦絕不可

彈葉落烏啼尋夢難

詠史

六雄糜沸擾天綱天下嗷嗷望禹湯多事秦皇能一
統却教人憶楚懷王

天與聰明作大君應天在實豈虛文重瞳若解行仁
義不在芒碭五色雲

有感

焚書千古訝嬴秦逃難茫茫走縉紳尚憶商山近京
洛白頭容得採芝人

甲楯孤棲死不疑那將宗社換西施想應嘗膽秋風

成意伯詩抄

卷四

三十六帶香草閣藏

夜恰似無忘携李時

魚鹽充牣稻梁肥誰寤繁華是禍機日暮無人言

國寒鴉猶帶夕陽飛

漫漫陽春不見秋人生得意總忘愁茱萸謝盡芙蓉

蒨清夜吹笙月滿樓

送金華生還鄉觀省

金華山色翠亭亭曾駐仙人白玉軒羨汝結廬松柏
裡臥看鸞鶴下青冥

漫漫東風吹綠縈行人江上羨歸軒想應今夜春山

月華髮蕭蕭正倚門

送兒出去望兒歸看盡離鴉弄夕暉清曉開門兒却

到蠓蛸飛上老萊衣

春日襍興

采石磯頭春水平長干橋下暮潮生誰能載酒尋芳

草楊柳隄邊信馬行

過雨柔桑綆綬新涵風細麥碧波勻鳴鳩語燕聲相

應又是人間一度春

日自西馳水自東落花飛絮總隨風舊巢燕子今何

處烟雨庭臺似夢中

細雨冥冥晝掩扉更無芳草有垣衣人生一世邯鄲

夢老病無眠夢亦稀

日出江空曉氣柔白蘋風起諸烟收夜來一餉三更

雨送盡飛花入海流

題陳太初畫扇

一道滄江隔戰塵白蘋風起浪鱗鱗新亭滿眼神州

淚未識中流擊楫人

夜泊桐江驛

伯夷清節太公功出處非邪豈必同不是雲臺興帝

業桐江無用一絲風

即景

薄寒輕雨細如絲風滿長川棹去遲漠漠野田將暝

色纖纖汀草欲青時

御柳

御柳青青陰綠池迎春擢秀不違時皇恩天地同生

育雨露無私爾最知

漫漫春風入舜韶綠楊舒葉乳鶯調君王不為娛聲

色無用辛勤學舞腰

茗溪皇甫秀才幽居

玄晏先生一草廬萬竿脩竹五車書日高無客來驚

夢自謂公侯總不如

吉本節字缺今以乾隆本補之

詞意作詩錄 卷四
天目山前茗水流，野華啼鳥自春秋。滄浪清濁吾何預，坐聽松風咲許由。

遣興

萋萋芳草掩重門，幾樹斜陽照斷魂。坐愛微風起蘋末，月明簷鐸語黃昏。

梅花

稀疎寒玉小樓東，骨冷魂清五夜風。惟有翠禽憐寂寞，一雙相倚月明中。

絕句

槐葉陰陰覆短牆，微風細雨麥秋涼。如何一歲三春

景不及，閑窗午夢長。

淮水東邊舊六朝，瓊樓翠館白雲銷。于今只有垂楊柳，猶似當時舞細腰。

花落江皋宿雨晴，野烟消盡見無城。鳳簫一去無回日，不及年年綠草生。

天塹長江似海深，江頭山鬼咲埋金。東家釀酒西家醉，世上英雄各有心。

半山寺

王家廢寺舊聞名，荆棘花開鳥自鳴。深夜狐狸穿破塚，佛燈爭似鬼燈明。

絕句漫興

免葵燕麥舊人家，曾唱南朝玉樹花。
寒暑又隨風日轉，東陵誰種邵平瓜。

莫道花開便是春，莫言沙漲卽成津。
南風過了，東風起，愁殺江頭待渡人。

新鷲枝上語如絲，似與羈魂話所思。
不用登樓看草色，白蘋香散已多時。

五湖風雨夜垂綸，一葉扁舟一粟身。
至竟雲濤歸大壑，烟波還屬釣魚人。

病客無錢試藥方，出門聊復信行藏。
爭知頭上蕭蕭

髮却與遊絲較短長。

白鷺洲邊白鷺鷥，一雙相對立離襟。
日斜隔水分明見，不分人間有別離。

漫成

八駿茫茫去不回，白雲歌曲使人哀。
鯨魚風起鯨鯢湧，青鳥何由海上來。

瞿塘怒水激天風，回首童顏變老翁。
落日長年鳴櫓過，白鷗飛出浪花中。

微涼生袂一登樓，落照歸鴉點點愁。
誰似孤雲獨無事，隨風直到海西頭。

不雨遣悶

朝霞不作黃昏雨，暝靄徒爲白晝風。日上高林啼布
穀聲聲只在短牆東。
池上芹泥卽漸乾，梁間燕子拾蟲難。綠窗無限傷春
意，看盡斜陽更倚闌。

無題絕句

花自飄零水自流，無情有恨月如鉤。十年一枕三更
夢，贏得風烟滿地愁。

喜雨寄夏允中

好雨知時五月零，豆苗瓜蔓一時青。老夫亦起中庭

立兩眼，看天似醉醒。

隱隱輕雷不起風，濛濛密雨遍長空。枯根發秀新莖
長，小草那知造化功。

水鶴長鳴應九陵，山雲處處上如蒸。定知谷鮒從今
後，不向西江乞斗升。

江暗天低雨脚垂，屋鳴簷瀉入枯池。却憐似鏡新荷
葉，不見魚跳鷺浴時。

江行雜詩

采石江頭山插天，江泉激石鳴湘絃。十年戰血汚江
水，水中鬼神應醉眠。

乾隆本屋作羣
恐非

古本九龍二字
缺今以明詩絲
及乾隆本補之

九龍山西西日沉江雲歷地生層陰汀洲無人蘆葉
響咆虎一聲風滿林

皖口孤城江水傍城上猶有愁雲黃豺狼魑魅相食
盡忠魂白日長垂光

桑落洲邊春草生宜城九醞空傳名百年世事同醉
夢愁聽野猿啼到明

江盤峽束雷彭浪孤山如筆江中央坤靈不放厚地
裂應有潮汐通扶桑

長江水濁湖水清石鍾濤擊鯨魚鳴山頭出雲山下
雨揚瀾左蠡何時平

鍾山作

紫桂吹香媚小山月華的皪滿林間坐來涼氣生虛
室知是山雲作雨還

松露滴塔星在天草蟲相弔響如絃寶公塔上西風
急半夜林鴉不得眠

玄武湖中草自秋石頭城下水長流繁華過眼成今
古更與牛羊競一丘

北斗闌干夜未央鐘殘虛牖出天香佛燈相對坐宵
寂墜露滿林生白光

月落山空霧未開風生咆虎響如雷樹頭驚鵲相呼

古本生字缺以
乾隆本補之

起欲下還飛一百迴

白雁蕭蕭柿葉紅野花開盡六王宮空餘一道秦淮

水著意西流竟向東

策杖登山信早涼山花澗草總能香捫蘿抱水歸來

倦不掃蒼苔臥石床

嫋嫋西風散白蘋冥冥落日起黃塵青娥不分秋容

寂故染楓林似老人

有感

浪動江淮戰血紅羽書應不達宸聰紫薇門下逢宣

使新向湖州召畫工

無題

玉樹沉沉結夜愁金陵蔓草沒荒丘誰言錦甃江都

去不見金陵夢草秋

黃鵠高飛雲路遐野鳥謀食但泥沙山中樗櫟年年

在着盡西風木槿花

題墨菊

粲粲金英美可餐九秋風露與清寒墨君莫妬天然

色終遣靈均怨子蘭

題沙溪驛

澗水彎彎繞郡城老蟬鳴作車輪聲西風吹客上馬

古本玉字缺以
乾隆本補之

詩意仙詩錄 卷四 帶香草階痛

去夕陽滿川紅葉明

過閩關

關頭霧露白濛濛關下斜陽照樹紅過了秋風渾未
覺滿山秔稻入閩中

峻嶺如弓驛路賒清溪一帶抱山斜高秋八月崇安
道時見棠梨三兩花

漠漠輕雲結晚陰依依斜日掛遙岑炊烟忽起桑榆
上散作鮫綃抹半林

劍水悠悠南去深黃茅苦竹自成林日烘溪霧生秋
瘴風攪山霏作畫陰

隆慶古本入作
八恐非今從明
詩綜及乾隆本

題畫紅梅

水晶宮裡玉真妃宴罷瑤臺步月歸行到赤城天未
曉冷霞飛上綠銖衣

秋日即事

秋風吹雨冷脩脩塔下金錢爛漫愁鴻雁不來巢燕
去草蟲辛苦獨知秋

楊柳新栽半出籬夜深烏鵲自驚枝露涼月淡空烟
暝啼到金鷄報曉時

春華秋草兩悠悠素髮多情却滿頭落葉自隨流水
去遠山空帶夕陽愁

成意白詩抄 卷四 帶香草階痛

病眼昏昏四顧迷，獨行渾似雪中鷄。
花開葉落真成夢，愁聽門前過馬蹄。
槿華數樹夕陽時，收拾秋光在短籬。
自紫自紅還自碧，祇應獨有暮蟬知。
疎雨鳴簷月在雲，馬蹄初歇夜將分。
雁行却向城頭過，何處砧聲隱隱聞。
北風吹雁過蕭蕭，旅館青燈共寂寥。
蓬鬢一時成白雪，老來禁得幾秋宵。

題水墨海棠鸚鵡

隴山鸚鵡白霓衣，欲語誰聽只自知。
漫漫東風吹不

自乾隆本作是

起海棠花上立多時

漁父詞五首

采石磯頭煮酒香，長干橋畔柳陰涼。
歌歎乃濯滄浪來往，烟波送夕陽。
白鷺洲邊好月明，賞心亭下暮潮平。
紅米飯紫蓴羹，自是無愁過一生。
江花江草兩悠悠，隨意東西懶卽休。
黃犬恨綠珠愁，定應不上釣魚舟。
釣得鱖魚不賣錢，菱甌引滿看青天。
芳樹下夕陽邊，睡覺蘆花雪滿船。

朝辭蓼渚暮蘆汀自有沙鷗伴醉醒塵世裡一浮萍
不著羊裘動客星

誠意伯詩抄卷之四終

野呂公鱗校字

白王漢洋書竹藉發賣所

三重縣下伊賀國上野本町通中町北八番地

挂雲堂 豐豆住 伊兵衛 

大坂府下東區備後町四丁目四十番地

同支店

同

豐豆住 幾之助 

藏版製本之記

